



20. Maj 2019

UPA 2019/161  
Aqqalu C.Jerimiassen

**Nunatsinni sygeforsikring atuutilissagaluarpat suut pitsaaqutaassanersut suullu ajoqutaassanersut pillugit apeqquteqaat aallaavigalugu oqallisissiaq.**

(Inatsisartunut ilaasortaq Siverth K. Heilmann, Atassut)

Maanna saqqummiunneqartup kingumut ersersiinnarpaatigut inuiattut peqqissuunissarput qanoq pingaaruteqartiginersoq, tassami siunissaq ungasinnerusoq isigalugu immitsinnut napatissinnaanerussagutta imminut akisussaaffeqartinnissartaq pingaartuummat, tassanilu peqqinneq qitiulluinnarluni.

Atassummiik aaliagiiffigisassatut siunnersuusiarisimasarput imm.131 nakorsanut namminersortunut tunngassuteqartoq maanna uunga oqallisissiamut attuumassuteqarluinnarpoq.

Tassami innuttaasut nammineq sygeskringeqartalermikkuttaaq nakorsat, kingutilerisut allallu namminersortut ingerlanerannuttaaq tapertaalluartumik siunnerfeqarsinnaammat, tassuunakkullu eqqanaassalluguttaaq namminersortuunertut inuussutissarsiuteqarnerup nunatsinni suli pitsaanagerusumik siunnerfeqalernissaa, taamaattorli tamannaannaanngitsoq, peqqinnissaqarfiup aningaasartuutipiluunerujussuinussaaq annertuumik sunniuteqarsinnaassammat.

Namminiilivinnissaq maanna oqallisaasaqaaq, Atassummiillu tamanna qulequttatsinni pingaarnerpaanngikkaluartoq pingaartuuttipparput Kalaaleq nunamini imminut napatissinnaanngortariaqartoq.

Sygesikring ataatsimut isigalugu angeqaaq, tassami nunatta iluani suliaritinnissanuinnaq nakorsartinnissanuinnarlu siunnerfilerneqartariaqannginnami, malittaani nunanut allanut feriarnissanuttaaq qularnaveeqqutitut feriami napparsimaleriataassagaanni, imaluunnit ajornerpaamik pisoqartillugu feriarnermi toqoriataassagaluaanni sygesikringilersimatilluni ilaqtannut angalaqatinulluunnit ajornannginnerusumik eqaannerusumik pisinnaassammat.

Taamatut takinerusumik Atassummiik oqaaseqarata, oqallissaarummut saqqummiuteqqaarneqarami Aqqaluk Heilmann-imik saqqummiunneqartumut qujavugut pingaaruteqarluinnartumik qaqitsineranut.